

ändere

(4 variatione)

Text: Hans Jürg Zingg / Melodie: Hans Jürg Zingg
Begleitimprovisation: Edwin Peter

1. angscht

d angscht wo mer hei dass sech öppis chönnt ändere
d rue wo mer hei we aus geng schön blybt win es isch
d fröid wo mer hei we mer öppis chöi ändere
d wuet wo mer hei we aues geng blybt win es isch
ds glück wo mer hei we di fröid u di wuet in is inn
d angscht vor em ändere bbodiget hei

2. liebi

gärn hesch du mi wüu d mi bschtändig wosch ändere
gärn han i di wüu di nime wi d bisch
krach hei mer denn wen i mi nid wott ändere
oder denn we du mir uf d närve gisch so wi de bisch
liebi isch fröidha am sosy vom andere
glychzytig gloube dass er z ändern isch

3. freiheit

wär bestimmt hie öb men öppis törf ändere
leider grad die lüt wo aus wei so la win es isch
wär redt vo freiheit - die wo angscht hei s chönnt ändere
die wo s ne nützt we no lang aus so blybt win es isch
frei sy mir denn we mer das mau chöi ändere
ohni z verheje was mer ändere wei

4. tod

tod sy mer denn

we mer nüt me chöi ändere